


TENTAMEN MEDICUM

INAUGURALE,

DE

Teretibus Intestinatorum Lumbricis.







TENTAMEN MEDICUM  
INAUGURALE,

DE

Teretibus Intestinatorum Lumbricis.

QUOD

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S.S. T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

CAROLUS DALY,

HIBERNUS,

Societ. Regal. Phys. Edin.

Societ. American. Phys.

Et Societ. Chirurgo-Obstet.

Praefes et Socius Honorar.

———“ *Dira bellum cum gente gerendum.*”

VIRG.

Ad diem 24. Junii, hora locoque solitis.

EDINBURGI:

Apud BALFOUR et SMELLIE,

Academiae Typographos.

---

M,DCC,XC.



INSTITUTUM

IN AUSTRIA

scribitur inchoatione litterarum

scribitur

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

scribitur inchoatione litterarum

Viro peritissimo ac humanissimo

JOANNI CALLANAN, M.D.

Apud CORCAGIAM;

Nec non

Optimo viro

DAVIDI AIKENHEAD,

ARMIGERO,

Ejusdem urbis,

Propter multa beneficia,

Erga se collocata,

Summa cum observantia,

Hocce tentamen

Offert

AUCTOR.







# TENTAMEN MEDICUM

## INAUGURALE,

DE

### Teretibus Intestinorum Lumbricis.

---

**A**RTIFEX ipsius mundi, corpus humanum, non solum externis, sed etiam intestinis hostibus, obnoxium et opportunum finxit. Interni hi hostes quinam sint, et qua ratione quibusque armis facillime possint devinci fugarique, quam poterit brevissime ostendere, conabimur.

Cum quibus sumus congressuri hostibus, ii sunt quaedam animantes, quae ad classem *Vermium*, et ad ordi-



nem *Intestinorum*, proprie pertinent; quaeque, quomodocunque in corpus ingestae fuerint vel intus ingeneratae, tamen, simul atque ibi ingestae confederint, suum genus, dum ab homine vivitur, procreando perpetuant.

Harum animantium genera, quae potissimum medicinam facientibus occurrunt, tria sunt; sed, quoniam, in hujusmodi disputatione, de horum unoquoque ubere differere fufaeque, statuere nequimus; id itaque genus feligemus et tractare conabimur, quod opem a medicis faepissime petit, cuique nomen, *Teretem Intestinorum Lumbricum*, auctores indiderunt. Hoc genus LINNÆUS his verbis depinxit:

“Corpus teres annulatum; cingulo elevato cinctum;  
“longitudinaliter exasperatum; poro laterali instructum.”——*System. Natur. vol. 2.*

Etiamfi non sit consilium omnes enumerare notas, quibus hoc ab aliis genus natura distinxit; at ex iis tamen praecipuas perstringere, eas praesertim, quibus *Lumbrico Terrestri* dignoscatur, esse necessarium videatur.



Duo haec vermium genera, alicui, externas eorum figuras raptim et incuriose intuenti, magnam utique inter se similitudinem habere, videntur; sed, quicumque ea propiore intuitu et emissitiis oculis inspicit, is, inter se esse dissimillima, cito observabit. Lumbricus intestinorum, quod ad speciem externam attinet, a terrestri hoc distingui potest; quod ei albidior est color, et cingulum non planum; quod non observatur sese contrahere; et quod plerumque durus est et distentus, unde, in longum quasi tensus fuisse, cum intuenti videtur.

In fabricis eorum internis, in organis praesertim quae perpetuae cujusque generis conservationi inserviunt, adhuc major inter eos dissimilitudo existit. Lumbricorum enim intestinis propriorum, alii sunt mares, feminae autem alii: Dum lumbrici terrestres, quantum saltem aliquis id adhuc explore compertum habuerit, ambiguo sunt inter marem et foeminam sexu, quos androgynos vulgus appellat: Quorum singuli, partes corporis, et ad procreandum et ad concipiendum aptas, habentes, ipsi ambigui, prolem, haud minus ambiguam, gignunt pariuntque. Praeterea, hi aliquantum in se  
rubri



rubri sanguinis habent, cui nihil in iis simile cernere possumus.

Quoniam igitur duae hae lumbricorum species, five externam earum fabricam intuemur, five internam introspicimus, notis tam dissimilibus internoscuntur; plura, hac de re, hic dicere, magis ad laudabilem eam res Naturae cognoscendi cupiditatem explendam, quam ad vermitantis utilitatem, conferret. Qui vero, plura, de interna utriusque speciei fabrica, cognoscere volunt, ii, internam fabricam lumbrici terrestris, quam WILLIS, in tertio capite sui *de anima brutorum* libri, incisus hujus speciei vermibus perstudioseque observatis, accurate depinxit; cum ea lumbrici intestinorum, non minus ad vivum depicta a REDI, VALISNERI, TYSON, KLEIN, aliisque oculissimis anatomicis, comparent.

Antequam hanc partem rei nostrae relinquimus, non possumus quin observemus, non solum SCOPOLI, sed LINNÆUM quidem ipsum, in maximo, hac de re, errore versari; cum praesertim, neminem, lumbricum intestinorum extra corpus humanum, explorando, invenisse,



nisse ; neque terrestrem intra, secando ; nobiscum reputemus. Quocirca fatis videtur esse causae, cur, summum rerum opificem, has vermium species ita destinato finxisse et fabricasse, ut loca, inter se quam diffimillima, habitarent, crederemus. Quod hoc multo adhuc probabilius reddit, est, quod locus, ubi habitat lumbricus intestinorum, adeo est calidus ; et alimentum, unde ab eo vivitur, eo est genere ; ut haec, quippe quorum lumbricus terrestris prorsus infuetus sit impatiensque, sive alterutrum sive utraque, certam huic mortem afferrent.

Vermes, de quibus hic disputatur, certa neque longitudine sunt neque crassitudine. Plerumque vero, quantum explorata sit observatum, non pedem longitudine, neque calamus anserinum crassitudine, excedunt. Fertur quidem, celeberrimum V. SWIETEN, unum sesquipedem longum ; THOMPSON, tres fere pedes alium, vidisse : Caeterum fides harum rerum penes auctores relinquetur. Hoc certo scimus, quam rarissime ab iis eo processum esse longitudinis. BAGLIVI autem narrat, juvenem ROMÆ, lumbricum triginta pedes, rite  
mensura



mensura aestimatos, longum dejecisse. Is auctor, quamvis fide plerumque praeclarus, tamen, utrum propriis oculis monstrum tam horrendum vidisset, ut dubitarem, idcirco adducti sumus : Quod, si contemplator naturae rerum et admirator tam fere curiosus diligensque, adeo mirabili vermem longitudine, praesens, aspectasset ; eum, hunc, ejus ob novitatem, multo accuratius depictum exquisitiusque non fuisse habiturum, credi vix potest. Vermem itaque, cujus mentionem is fecit auctor, nihil fuisse aliud, quam taeniae speciem, veri quam simillimum videtur.

Lumbrici, qui ad rem nostram respiciunt, in tenuioribus intestinis plerumque habitant ; sed, haud raro quoque in ventriculo habitare et intestinis amplioribus, fecta cadavera satis demonstrant. Quin et, interdum, alia viscera, renes veluti, hepar, lienem, pancreas, pulmones, et, ut ferunt auctores, cerebrum ipsum, infestant roduntque ; quod, verum si esset, nullam corporis esse partem, ubi vermes interdum non existant, ut crederemus, adduceret. Verum etiamsi, fidem auctorum indubium ideo vocare difficile sit, quod, multa mira de verminibus,



vermibus, diversis in visceribus, a se observatis scripserint; attamen, ut MONRO, ad verum perspiciendum sagacissimus, audientes monet, interdum accadat, ut, quod pro lumbrico habetur, id nihil sit aliud, quam concretus sanguis; qui, rubris ejus particulis quodammodo dissociatis, in modum lumbrici figuratus fuerit.

Corpus vero humanum non solum est lumbricorum domicilium. In multis enim aliis animantium speciebus; in canibus veluti, tigribus, vitulis, lupis, leporibus, porcis, equis, et praeterea multis quidem piscium generis; eruti sunt.

Lumbrici solivagi non sunt, sed, quasi turmatim, et interdum numero opinione majore, in intestinis congregantur. Hic autem, eodem tempore, observandum est, quo grex sit numero major, eo minorem esse magnitudinem singulorum; quod forsan eo effici potest, quod, plurimis mordentibus, nulli est satis. Saepenumero ascarides receptas ad se socias sibi asciscunt; rarius taeniam; et interdum quidem utraque.

Quomodo

Quomodo lumbrici, aequae ac alii vermes, in corpus humanum ingerantur, vel ibi ingenerentur, adhuc summa medicorum dissentione, et incassum certatur. Cum itaque rem, sua natura adeo reconditam abstrusamque, in varias opiniones versare, rei nostrae nihil plane interesset: Vanis conjecturis relictis, quae non differentibus conveniunt medicis sed somniantibus; perpauca hic nobis dicenda sunt de aetate, corporis habitu, coelo, diætaque; quae, ad vermes generandos, aptiora caeteris accommodatioraque, expertissimi medici compererunt.

*Ætas.*—Lumbricos multo saepius eos infestare, qui infantiles agunt annos puerilesque, quam adolescentes vel aetate provectiores, omnibus notum est. Lumbricorum itaque generatio, plerumque, et quidem rectissime, inter eos collocatur morbos, quibus infantia pueritiaque potissimum sunt opportuna. Sunt, qui censent, auctores, lumbricos nunquam in eorum intestinis inventos fuisse infantum, quibus lac matris solum esset alimentum. Sed, hoc ut crederent, non tam, quae revera acciderint, res animadvertendo, quam ex praejudicata opinione, corpus, dum lacte nutritur, humanum, propterea



propterea quod huic nullum fere commercium cum nutrimentis, ex quas terra gignit rebus, collectis, intercedit, multo, ad ova vermium in se accipiendum, ideoque ad verminationem, minus patere, adducti fuerunt. HIPPOCRATES autem affirmat, lumbricos in primis excrementis infantum recens natorum conspectos fuisse. DE LILLE quoque, suam filiolarum, undecim tantum septimanas natam, et adhuc lacte matris solo nutritam, hujus generis vermiculos dejecisse narrat. Quin et DOLÆUS ait, ne quidem foetum in utero ab his esse vacuum; quod idem VALISNERI, WOLPHIUS, VAN DOEVEREN, alique auctores affirmant. Testantibus igitur tam multis et praeclaris auctoribus, quin non modo infantes lactentes, sed etiam foetus in utero, verminent, dubitare non possumus; utcunque, verisimilem rei tam mirabilis rationem afferre, arduum et difficile inveniamus.

Etiam si vero, ad verminandum, permulto ii sint procliviores, qui tenella adhuc gaudeant aetate, quam qui jam attigerint pubertatem, vel maturuerint: Tamen nulla est aetas, qua vermes, praesertim lumbrici, homi-

num genus infestum non habeant. Qui autem duos annos, sed non amplius decem, nati sunt, ii, quam alii, five minores natu five maiores, ad verminationem procliviores obiervantur.

*Corporis habitus.*—Lumbrici eos potissimum infestos habent, qui, operosam vitae conditionem, vel quia, ob deficientes vires, talem sequi non possunt, vel quia nolunt, averfantes, aetatem in sedentariis degunt artibus operisque occupati: Qui laxo sunt corporis habitu: Quibus languidus est sanguinis lentusque circuitus: Quorumque intestina lente se astringunt relaxantque; eamque ob rem, justo alvi dejectionibus rarius vacuefacta, mucum, idoneum quo tutissime procreent lumbrici nidum, nimia stagnantem quantitate retinent. Qui igitur primam aetatulam nondum transgressi sunt, quique *leucophlegmatico* sunt corporis habitu, ii sunt, quorum intestina lumbrici potissimum circumrodunt.

Saepenumero quoque iis laborantes morbis, quibus magna jam supervenerit debilitas; id quod, pestilentia et putridis morbis grassantibus, conspici potest; quam  
maxime



maxime vexatos habent : Morbos quoque inflammationem habentes saepe comitantur. Verum, utrum hos morbos concitent, vel eos consequantur, multum est inter medicos dubitatum. Verum enimvero, rebus quas de hujusmodi morbis notatas animadversasque habuerunt medici, inter se comparatis, lumbricos interdum causam urgentium esse morborum, sed saepius effectum, concludere, ut mihi videtur, liceat.

*Caeli quoque conditionem, quomodocunque hoc faciat, nonnihil ad procreationem vermium totumque conducere, satis cognitum habemus. Tempestates enim locaque, quae hominibus sunt infaluberrima, quibusque, idcirco, potissimum morbi grassantur pestifere, vermibus, ut observarunt medici, quam maxime salutaria esse reperiuntur. His foedis itaque animantibus hominum intestina maxime iis scatent tempestatibus, quae pluviosae sunt humidae calidaeque ; atque paludosis in locis, iis praesertim, quae inundant saepe aquae et stagnant. Ob talem, BATAVIÆ, et tempestatis saepe et loci gravitatem, auctores ferunt, ibi a vermibus saepe oriri febrem*

quæ

quae pestifera ipsa, cito ministeriis hominum invicem longe lateque vulgatur.

*Diaeta.*—Lac eam esse alimenti speciem, quae maxime vermibus est salutaris, quaeque eorum generationi conservationique plurimum favet, verissime dici potest. Hoc ita esse, res verae satis demonstrant. Infantes enim, a quibus lacte lactentibusque, maxima ex parte, vivitur, plurimum foedissimis his scatent animantibus. Saepe vitulorum quoque adhuc lactentium intestina incredibili fere numero admordent roduntque. Lac, ut mihi videtur, adeo ad vermium generationem conducit, quia vi, quae intestina ita incitet, ut salutiferos peragant motus, non satis pollet. Hunc liquorem parum satis intestina incitare, clare ex eo apparet, quod in ventriculum eorum, prospera quidem valetudine gaudentium, assumptus, alvum plerumque reddit aliquanto astrictiorem.

Impura quoque aqua, ut recte existimarunt medici, plurimum ad vermium procreationem conducere potest. Hinc ratio satis idonea redditur, cur SUIONES, prae  
caeteris



caeteris fere hominum generis, vermibus infestentur. Apud eos enim vulgus hominum, permultum aquae, nec quidem purae, aestiva praesertim tempestate, bibit.

Praeter lac autem et impuram aquam, caro, pisces, fructus, herbae qualiscunque eae sint generis, male vel condita vel cocta, ex iis multum si vivatur, ut intestina vermibus quam scateant, plurimum efficiant.

Rebus, quae, homines, quidem vivos, intestinorum hostium impetui tam opportunos faciant, presse astricteque memoratis, nunc ad alia, multo quae sunt graviora, pergemus. Qua enim, aut quo modo, in corpus humanum vermes primitus invehantur, de iis quidem nil adhuc satis compertum narrare possumus; at nihilo tamen minus, simul atque intestinis potiti fuerint, ibique quasi castra posuerint, signa, quae edant, explorantes medicos, de eorum impetu, serius ociusve certiores faciunt. Interdum autem ex signis editis, certo, utrum adsint vermes necne, scire, imprimis idcirco difficile est; quod, in variis hominibus, signa, quae exhibent hae animantes, adeo iis sunt similia quae alios complures

complures morbos indicent, ut, quid laboranti sit rei, omnino incertos medicos faciant. Exinde fit, ut, incipiente verminatione, nulla fere verminantis habeatur ratio; ideoque hujus historia morbi, in caligine adhuc et tenebris, magna ex parte, lateat. Rectissime igitur dicit ANDRE, “On n’ examine pas assez, s’ il y a des  
 “ vers dans les malades; dela vient que plusieurs per-  
 “ sonnes tombent quelquefois en langueur, et meurent,  
 “ sans qu’on en sache la veritable cause”. Ne itaque partem rei nostrae, tam cognitu necessariam, silentio praetereamus; signa, utcunque ambigua persaepe videantur, quae vermes patefaciunt, quo fere nascantur ordine, quamque possimus accuratissime, memorare conabimur.

#### ENUMERATIO SIGNORUM MORBIDORUM.

Appetitus cibi male affectus, seu depravatus, primum verminationis esse indicium fere observatur. Plerumque in utramque partem vehemens est: Nunc enim fere nullus, omnigenum fere cibum fastidit respuitque;

nunc



nunc avidus et rapax, adeo ut suam quasi rabiem edendi explere, vel fatiari vix possit. Interdum quoque adeo est varius, ut verminosi, quid sibi sit gratum, prorsus nescii, alios atque nunc alios cibos, inter se diversos et pugnantes, appetant. Nec non ventriculus interdum multum distenditur, et, cum praesertim si premat aliquid, graviter dolet: Atque, eodem quoque tempore, aegrotans nausea, *cardialgia*, crebris acidi liquoris ructibus, et vomitu, afficitur. Quin et, abdomen tumidum fit, durum, tensumque; praecipue circa umbilicum, ubi aeger gravissimo affligitur dolore. Ad hoc, alvus est interdum astricta; saepius autem soluta; et hoc, cum accidat, dejectiones mucosae et interdum quidem aliquantum sanguineae, una cum flatu et vagantibus colicis doloribus, comitantur. Praeterea, urina saepe albida est et spumosa; haud raro pallidula; et interdum cum difficultate reddita et dolore. Postremo, sitis plerumque intenditur; sed nihilominus saliva ex ore, praesertim nocte, plerumque manat.

Cum morbus aliquantum processerit, facies multum tumescit et cadaverosa evadit. Subfusca orbita depressaque

faque foedos oculos circumit; quorum pupillae fere semper dilatantur. Alae nasi et labrum superius plerumque plus minusve tumescunt. Nasus saepe solito est albidior; et haud raro ita vehementer prurit, ut, unguibus studio carpentibus, interdum sanguine fluat. Noctes vel inquietae vigilantur; vel si quando grata quies occupet fessum aegrotum, divellitur vel saltem perturbatur terrificis somniis, stridore dentium, motibus subitaneis et non voluntati parentibus. Gingivae tument, et anima foetet. Tussicula crebra aridaque, una cum continua fere spirandi difficultate, morbum, si diu persisterit, fere comitatur. Verminantem quoque saepe infestant vehemens capitis dolor, vertigo, et inusitata ad animi defectionem proclivitas. His denique signis lenta febris; pulsus arteriarum parvus, creber, abnormis; et facies subinde sanguine rubescens, superveniunt.

Signa verminationis, quae memorata habuimus, multa quidem et gravia videantur iis, qui, misericordes, humani generis laborantis miserescent; at cum iis tamen diris comparata effectibus, quos vermes saepe corpus



corpus in humanum foedissime edunt, levia quidem habebuntur. Mala enim saepe acciderunt quidem funestissima, quorum tetras has animantes causam extitisse nemo existimavit. Rebus autem cognitis, quas, cada-vera oculatis quasi manibus secando, fatis explore com-pertas medici habuerunt; nemini in dubio diutius esse potest, quin vermes sanguinis vomitionem nonnunquam civerint: Quin umbilici et inguinum tumores effecerint, qui fuerunt pro herniis habiti, et saepe in tetra ul-cera abierunt: Quin *spasmodicos* morbos fere omnigenos, *epilepsiam*, *choream*, tetanum, *catalepsin*, aliosque com-  
 plures ad idem genus pertinentes, concitaverint: Quin, denique, *paralyfin*, extremorum praesertim corporis; amentiam; *aphoniam*; *maniam*; intestinorum *volvulum*; aliosque morbos quamplurimos, de quibus omnibus longum esset hic dicere, induxerint. His rebus ani-madversis, verba celeberrimi V. DOEVEREN, eandem hanc rem agitantis, adeo nobis vera aptaque videntur, ut non possimus ea quin hic citemus: “ Quoniam  
 “ fere nullum datur symptoma morbosum, quod non  
 “ oriri possit, et observatum fuerit, a lumbricis,” &c.

## D I A G N O S I S.

“ Utinam,” humanus ait BAGLIVI, “ singuli mor-  
 “ bi duo vel tria signa infallibilia haberent.” Rem ve-  
 ro, praeclaro huic auctori caeterisque omnibus, quorum  
 mentes mortalia tangunt, magnopere quidem optan-  
 dam, in morbo, de quo hic agitur, jactare non possu-  
 mus. Certum revera signum unum habemus, quo hic  
 aliis morbis dignoscatur; vermes, scilicet, ipsos, vel co-  
 rum saltem partes, una cum faecibus dejectas; sed hoc,  
 propterea quod, vermibus quidem intestina admorden-  
 tibus, non semper occurrat, minime idoneum est indi-  
 cium, quod medicos, aegrotanti quid sit rei, certiores  
 faciat. Vermibus non cum faecibus dejectis, nobis est  
 persuasissimum, labrum superius et nasi alas extumescen-  
 tia, nonnihil sibi medicorum attentionis jure vindicare:  
 “ This diagnostic,” expertus ait HOME, “ is certain, as  
 “ I have trusted chiefly to it many years, and it has  
 “ faithfully served me.” Ingeniosus idem auctor et  
 eruditus dicit, “ I can, even on seeing a patient in the  
 “ waiting-



“ waiting-room of the hospital, point out the disease  
“ to the pupils.” Rem ita, ut ille asseruit, sese habere,  
nosmetipsi aliquando oculati fuimus testes ; nam in qui-  
busdam exemplis, quae praesentes vidimus, labrum et  
alas ita extumuisse, fide incolumi, affirmare possumus.  
Fuerunt autem qui asseruerunt, nullam huic signo fidem  
adhibendam esse ; quippe quod scrofulae magis, quam  
verminationis, sit proprium. Verum, etiamsi denegari  
quidem non possit, labrum, scrofula urgente, fere extu-  
mescere ; tamen, nobis iudicibus, vix, hac de re, ab  
aliquo errari potest, qui, in morbum et in habitum aegri  
corporis, idoneam curam intenderit.

ROZENSTEIN, de signis, quae hoc malum ab aliis  
distinguunt, loquens, censet ; si aliquis, qui subito aegro-  
taverit, statim, postquam cyathum biberit frigidae aquae,  
revalescat, hoc fere certum esse signum, quo morbus  
verminosus ab aliis dignoscatur. Si hoc esset verum,  
certo, utrum vermes in intestinis diversarentur necne,  
cognoscere imprimis facile esset. Tali autem signo dig-  
noturus aliquis si credulus fideret, multum, ne eum po-  
stea falleret, veremur.

Quod

Quod si, utrum vermes in intestinis hospitentur necne, certis indiciis comperire est quidem difficillimum; postquam, eos aliquem revera vexare, fatis compertum habuimus, ad quodnam genus pertineant praedicare, haud minus difficile invenietur. Quibus enim signis teretes, taeniam, et ascarides, fatis internoscamus, ea exponere, apprime idcirco arduum est; quod tria haec vermium genera in eodem homine interdum congregantur. Perraro autem hostes tam acerrimi, in exitium cujusquam humani generis, una conspirant; nam, etiamsi teretes perlaepe cum ascaridibus consocient, tamen cum taenia rarissime. Effectus, qui omnium generum existimantur communes, raro, nisi a teretibus, oriri persuasissimum habeo. Qui rem aliter sese habere credunt, nobis in magno versari errore videntur; qui, etiamsi nemo eum adhuc improbaverit vel redarguerit, nihilominus fatis est dignus, quem hic patefaciamus. Nostram, hac de re, opinionem res ipsae et experientia, optimae administreae medicinae et adminicula, fatis firmanant.

Ascarides



Ascarides enim intestina diu occupata habere posse, et tamen universo corpori nil fere detrimenti vel periculi afferre, ignorat fere nemo. Huic rei nonnihil accessit firmitatis ex auctoritate sagacis HEBERDEN; qui, exercitati medici, primis ab incunabulis, his vermibus laborantis, mentionem faciens, notat; “ The general health of this patient did not seem to have at all suffered from the long continuance of this disorder, nor the immediate inconveniences of the disorder itself to have increased.” Idem quoque est auctor; “ They have been known to accompany a person through the whole of a long life, without any reason to suspect that they had hastened its end.”

Taeniam quidem adeo interdum, non solum intestinorum ubi hospitatur fabricam rodendo, laedere, sed etiam vires totius corporis labefactando, ut laborans magno inde discrimine versetur, confitendum est: Veruntamen, saepe, aequae ac ascarides, in penetralibus humani corporis per diu diversari, grave nullum hospiti periculum afferentem, nobis prorsus persuademus.

Quare

Quare taenia minus corpori, quod occupatum habeat, periculi, quam teretes, afferat, facilis in promptu est ratio. Teretes enim adeo gignit natura foecundos, ut brevi fere innumeram prolem et edacissimam progenerent; quae, rimando intestina insatiabilis foedandoque, corpus, quo minus satis nutriatur, magnopere impedit; et, hoc modo, nutrimento magna ex parte intercluso, omnes ejus brevi conturbat functiones, atque vires infirmat. Taenia, e contrario, nulla ejusdem speciei animante secum convivente, intestina fere semper habitat: Quocirca, minus intestina admordens, ideoque functiones totius corporis serius conturbans, nec tam grave, nec tam praesens hospiti periculum intentat. Praeterea multo, quam teretes, sede rarius movet; et “Hinc,” ut celeberrimus concludit V. SWIETEN, “saepe, per  
“plures annos, in corpore hospitatur absque molestia  
“multa.”

His itaque cognitis, quae multae res, a compluribus medicorum observatae, satis certa reddiderunt; haec vermium genera accurate internoscere, momenti rem esse maximi, satis omnibus patebit. Mihi enim videtur,  
ascarides



ascarides nunquam, taeniam raro, morbida ea signa concitare, quae plerumque ex teretibus nascuntur; nisi, quod, ut supra dixi, raro accidit, hi cum illis, eodem in corpore, convivantur. Satis quoque ex modo dictis constat, horum vermium teretes et periculosissimos, esse et frequentissimos.

Signa ascaridum propria, quaeque eas ab aliis vermium generibus distinguunt, sunt, molestus in recto intestino sensus, et pruritus ani fere intolerandus. Hi sensus plerumque, adventante nocte, verminosum afficiunt; et, his urgentibus, fere adest quoque inusitatus calor, qui interdum adeo intenditur, ut rectum et interne tumescat externeque, et molestissimus tenesmus superveniat. Tales effectus fere semper ascarides, ut causam, agnoscunt.

Parva praeter frustra taeniae, cucurbitae vel cucumis feminibus consimilia, una cum excrementis dejecta, quibus certo, tetram hanc animantem intestina admordere, scire possumus; alia quaedam sunt signa, quae nos, de hoc eodem, certiores faciant. Horum praecipua sunt, sensus

sensus inusitatus cujusdam, in aliis atque aliis abdominis partibus, quasi volventis, et ponderosi velut globi unum latus, saepe cum dolore, gravantis.

Signis utriusque propriis, quae teretes et taeniam plerumque patefaciunt, curiose animadversis, a nobis, in unam harum animantium ab altera speciem dignoscendo, perraro errabitur. Quoties autem unum corpus hospitium est utriusque commune, quod interdum, etiam si raro, accidat; tum, nisi vel teretes, vel taenia frustillatini, inter alvum exonerandam, dejiciantur, certa indicia, quibus, una ab altera species, satis internoscantur, conspici non possumus. Profecto quidem dictum fuit, subitaneas vermiculationes intestinorum et tormina, praesertim circa umbilicum, una cum sensu cujusdam intus quasi assultim moventis, esse pro teretum indicibus fere habenda; et satis asserre causae, cur, hos intra corpus diversari, hospitis penetralia foedantes, conjectura auguremur.

Nunc perventum est ad rei nostrae partem, quae est dignissima, summam cui curam impendamus: Hic enim  
loci,



loci, quibus lumbrici teretes et hydrocephalos internus internoscantur signis, ostendere aggrediamur, oportet. Unum ex his morbis ab altero dignoscere, profecto quidem res, suapte natura, adeo est difficilis et ambigua, ut, hanc ob rem, ne lamentabilis extiterit causa, cur perierint plurimi, multum vereamur. Neque profecto hoc mirum est: Nam signis teretum propriis cum iis hydrocephali tanta intercedit similitudo, ut, five horum signorum, five aegri aetatis, habeatur ratio, utriqueque morbis tam una sit facies, ut permultum sit periculi, ne a medicis dignoscentibus erretur. Exinde fit, ut signa hydrocephali, pro iis teretum, habita saepe fuerint; ideoque lethalis is morbus, oblata idonea ingravescenti occasione, saepe eo processerit violentiae, ut, quid aegrotanti esset rei, medicus non prius noverit; quam, morbo jam inveterascente, viribus decumbentis fractis, insatiabili inhiante morte, nil, morituro opem ferendi, five spei five facultatis relictum habuerit.

Decus id humanitatis et ingenii lumen, FOTHERGIL, de signis, quibus insigniatur hydrocephalos internus, differens, haec habet verba: " Perhaps it will be diffi-

“cult to point out any that shall particularly character-  
 “rise hydrocephalus internus. In most of those, whom  
 “I have seen in this distemper, a pain, in some part  
 “or other below the head, was the first thing they  
 “complained of; most commonly about the nape of  
 “the neck and shoulders, often in the legs, sometimes  
 “in the arms, but more rarely.”

Quod dixit praeclarus is auctor, hoc certe habet veri,  
 quod dolor ad imam colli vertebram relatus, signum existi-  
 matur satis fere certum, quo hydrocephalos internus, a  
 teretibus quos is nunquam comitatur, distingui possit. Ve-  
 rum tale tamen indicium, per seipsum, ad morbos hos  
 internoscendos minime sufficeret; si minus ambigua  
 non essent alia, quorum praecipua sumus nunc enarra-  
 turi.

Hydrocephalo urgente interno, capitis dolor, trans-  
 versa fronte, ab uno ad alterum tempus, fere transvo-  
 lat; dum, teretibus infestantibus, nulli capitis parti pro-  
 prius est, sed totius est communis. Praeterea, capitis  
 dolor, qui ex hydrocephalo nascitur, multo est gravior,  
 multo



multo aequabilior, et multo constantior, quam cujus teretes sunt efficientes ; qui interdum intermittens, inaequalibus spatiis interjectis, redit.

Vomitibus quoque multo hydrocephalicis vehementior est, quam iis qui teretibus admordentur ; et, praeterea, illis fere semper est alvus quam maxime astricta, his autem fere nunquam. Quin et, abdomen illis raro distenditur, vel, aliquo premente, dolet ; contra, his fere semper.

Nec non, qui hydrocephalo laborant, lecto, in longitudinem porrecti, incumbere malunt, sese quantulumcunque erigere nolentes. Subinde quoque manum observantur apponere ad frontem ; quae solito saepe apparet prominentior.

*Strabismus*, ad hoc, hydrocephalicos quam saepissime afficit ; raro eos autem, si unquam, in quibus teretes hospitantur. Illorum pupillae oculorum citius, quam horum, dilatantur ; et, praeterea, palpebrae saepe evadunt paralyticae, quod his fere nunquam accidit.

Nares,

Nares, praeter naturam, aridae, indicium sunt hydrocephali minime aspernandum ; nobisque mirum, neque WHYTT, neque FOTHERGIL, id memoratum habuisse, videtur. Ex urina, nil, quo hos morbos, unum ab altero, distinguamus, colligere possumus.

Quod ad ictus arteriarum attinet, ex iis, hydrocephalum internum a teretibus dignoscenti, nil fere concludere licet : Alterutro enim morbo urgente, adeo sunt varii, mutabiles, et inaequales, ut nemo, his tantum exploratis, uter eorum urgeat, facile discernat. Verum WHYTT tamen hos morbos internoscens, haud parvam ejus inaequalitatis, quae in gradu febris inest et caloris, quae utraque utriusque sunt quadantenus communia, rationem habet. Hanc enim rem agitans, haec habet verba : “ In the case of worms in the stomach and  
 “ intestines, although the pulse be generally quick, yet  
 “ sometimes it is slower than natural, and irregular ;  
 “ but when this happens, the skin is cool and there is  
 “ no fever. But in the dropsy of the brain, when the  
 “ pulse becomes slow and irregular, neither the heat  
 “ of



“ of the skin, nor any other of the feverish symptoms,  
“ are sensibly abated.”

Nihil fere opus est, ut memoratum habeamus, hydrocephalum urgere fatis constare superque, cum signa ea occurrunt, quae, ex re quavis cerebrum comprimente, oriri novimus.

### QUORUNDAM RATIO SYMPTOMATUM.

Quidam stultissime existimarunt, naturam vermes in humano corpore finxisse eo consilio et fabricatam fuisse, ut intestina crudis quibusdam et nocivis materiis exonerarent ; ea praesertim infantum, qui, ob teneros annos, semet ipsos talibus exonerare cruditatibus non possunt. Sed hanc opinionem, utcunque primo aspectu speciosa appareat, re et effectu quam fictam vanamque comperimus. Tantum enim abest, ut vermes crudam in tubo intestinorum materiam exedant, ut, partibus ingestorum male concoctis fastiditis, partes maxime nutrientes vorent.

vorent. Hinc, ut nobis videtur, ea oritur cibi appetentia tam utramque in partem vehemens, qua, mirum in modum, affici vermibus laborantes, plerumque conspiciamur.

Facile credi potest, ventriculum, si aliquandiu fuerit cruditatibus gravatus, quae, saepe ingurgitando, fuerint redditae graviores, permultum suae firmitatis amittere; et, inde, nasci nauseam, vomitionem, eaque mala omnia, quae, ex depravata concoctione, originem plerumque ducant.

Lumbrici in tenuioribus potissimum intestinis hospitantur, et saepe tam magna copia, ut, quo minus excrementa dejiciantur impediendo, flatu, ipsasque intestinorum tunicas irritando, efficiant; ut tumescat et distendatur abdomen; utque gravissimae eae, circa umbilicum, excitentur verminationes, quas, lumbricis intestina rodentibus, aegrotum tam saepe excruciare, cognitum habemus. Quin foedissimae hae animantes interdum intestina quidem peredant, dubitari non potest; hoc enim modo sibi in alias abdominis partes iter faciunt,



ciunt, ibique excitant tumores, qui tandem in teterrima ulcera abeunt. Hujus eae sunt generis ulcerationes, quae, lumbricis intestina foedantibus, circa umbilicum et inguina erumpunt.

Cum lumbrici, eam cibi partem, quae plurimum in se habeat nutrimenti, vorent, vel faltem humano corpori nutriendo inutilem faciant; quin sanguis partibus nutrientibus aliquatenus spoliatur, ideoque arteriae minime eam nutrimenti copiam, qua solidae partes corporis vigentes sustineantur firmaeque, afferant, esse non potest. Facilis exinde reddatur ratio vigoris omnium functionum, mirum in modum, imminuti; quod omnium fere verminantium esse commune conspiciamus; quodque sese ostendit animi ad defectionem proclivitate, pulsu arteriarum abnormi, pallore, macie, gingivis putribus, et paralyticis affectionibus, inter quas dilatatae oculorum pupillae, nobis opinantibus, recenseantur.

Inusitata fere omnigena corporis irritatio, tussim, ut observarunt medici, plerumque excitat; et, in morbo, de quo hic agitur, tussis molesta, irritationi rosionibus  
intestinorum

intestinatorum factae, nobis iudicibus, tribuenda est. Febris quoque verminosa, hac eadem, ut nobis videtur, irritatione inducatur: Vel incipiat et alatur a pure, quod intestinis ingeneratur, absorpto, eamque ob rem *hecticae* sibi speciem assumat.

*Genus Nervosum*, ob mirandum consortium, quod uni cum aliis ejus partibus intercedit, plurimum, ex aliqua ipsius parte laesa, detrimenti accipere, nemo ignorat. Hinc tunicae intestinatorum lumbricis intus hospitantibus erosae, multos *nervosi generis* morbos, *epilepsiam* veluti, choream St VITI, tetanum, aliosque complures ad idem genus pertinentes, efficiant. Veruntamen, ratione quidem nulla, quosdam morbos, qui in nervorum ponuntur convulsionibus, debilitate, cujus efficientes sint vermes, induci posse, veri nobis simillimum ideo videtur; quod, morbos, qui hujus proprie sunt generis, saepe inductos haud parva ea debilitate fuisse, quam effecerit multum sanguinis amissum, denegari non potest; eoque magis, quod plane nil est, cur debilitatem, sanguis amissus an vermes eam effecerit, dissimili



diffimili esse genere, vel diversos corpus in humanum edere effectus, crederemus.

Denique, ut hic memoratum habeamus, vomitionem sanguinis vel dejectionem, quotiescunque alterutra invaserit verminosum, ex tunicis intestinorum vel rosis, vel perforatis oriri, vix opus est.

### P R O G N O S I S.

Quod vermes, praesertim lumbrici, plurima saepe pariunt mala, quorum nonnulla gravissimum periculum intentent; quodque nullum adhuc satis explore cognitum habemus remedium, quo hae animantes penitus necari possint fugarive: Idcirco saepe, ut nobis videtur, nimis est rationis, cur ex earum vastationibus nonnihil infausti infelicisque praesagiremus. Veruntamen, ob incredibilem fere fatuitatem cujus reddere rationem quidem difficillimum est; ob fere plus quam anilem morborum ignorationem, quae speciem sibi cognitionis impudenter arrogat; obque medicamina vilia et fucosa

E

quae

quae circumforanei medici, versutiloqui, vendunt : Plebecula, morbum verminosum neque sublato difficilem, neque periculosum, existimat ; eamque ob rem, saepe minime, quam oportet curam, ad eum tollendum, impendit. Vermes autem, acres hominum generis esse hostes et quidem periculosos, satis, ex quas fecerunt intestinorum vastationibus, apparet. “ Verum illa,” ait V. SWIETEN, “ quae haecenus dicta fuerunt de vermibus, satis probant, saepius mortem his imputandam esse ; five lentam, dum miseri infantes ob nutrimenti defectum, tumente abdomine, vero marasmo pereunt ; five subitam, dum diris convulsionibus necantur.”

Exemplum morbi verminosi mirum quidem, sed cui quid simile raro occurrit, enarravit STORCK, ubi, inciso cadavere, tres lumbrici teretes, inter tunicas jejuni intestini, inventi fuerunt ; qui, omnibus remediis, quibus obviam vermibus ire usitatum fuit, incolumes resisterant, et aegrotum tabe necaverant. Si aliquis verminosus excrementa multo sanguinis mista dejicit ; si sanguinem evomit, et vomitio diu perstat : Multum idcirco



eo extimescendum est periculi ; quod haec signa, tunicas intestinorum derosas fuisse, ostendunt. Praeterea, profluvium pertinax si evadit, vel, purulentum, dysenteriae sibi speciem assumit ; tum, ne tunicae intestinorum non solum erodantur, sed quidem ulcerentur, ideoque infaustus morbo tandem sit exitus, multum est, cur extimesceremus : Rebus enim ita sese habentibus, quin, pure sorpto, febris *hectica*, usitatis eam signis comitantibus, invadat, tardam laboranti mortem allatura, esse non potest. Dira ea mala, quae, a *nervoso* genere laeso et conturbato nascuntur, quorumque nonnulla mortem interdum afferunt, esse, hoc in morbo, aequè, ac in aliis, non solum timenda, sed interdum quidem funesta, nemo ignorat. Deplorandum aliud malum, a vermibus quod oritur, est, quod, ab his etiamsi aeger liberetur, tamen morbus comitialis, quem primo excita-verint, quidem, post eos expulsos, interdum, vita persistente, manet.

Inauspicatis praesagiis jam dictis, nunc res, quae faustum praemoneant eventum, memorabimus. Cum plurimos miros hujus morbi effectus, et curationes haud minus mirandas, quas, eo urgente, effectas fuisse accepimus,

mus, nobiscum in animo agitamus, de salute verminosi fere nunquam desperandum est. Ferunt enim auctores, quosdam, mens quos et ratio subito reliquerant, resipuisse, simul ac deiecissent vermes. Accepimus quoque, quendam, cui vox omnino defecerat, quique faeces, insciens, dejiciebat, vivo lumbrico terete fursum ejecto, ab his malis liberari. Quin et *epileptici* multis inciderunt affectus, et quidem paralytici, alique; quos lumbrici moverant, quique, his corpore exterminatis, statim ex toto destiterunt. Has quidem animantes, quotiescunque, ex certis indiciis, eas intestina occupasse facti fuerimus certiores, inde, vivas vel necatas, expulsas videre, magnopere eo optandum est; quod faustam hospitum earum rationum liberationem portendit. Etiam si vero hoc modo expulsas non videremus, tamen minime idcirco de nostro iis obviam eundi conatu desistendum est, neque de vita laborantis prorsus desperandum; propterea quod saepe intestinis dissolvantur, ideoque, inter alvum exonerandam, et verminoso ipso et medico inscientibus, corpore exterminentur. Fuisse ita expulsas, medicum certiolem cito facient signa remittentia vel cessantia omnino.

Quibus



Quibus omnibus cognitis, nobis concludere licet, lumbricos, quamvis, donec corpore expellantur, periculum extimescendum sit; minime tantum intentare periculi, quantum, primo aspectu, ferant animi ut credamus: Eorum expulsionem, cum praesertim signa faciat leviora, semper magnopere expetendam: Et verminosum, quo plus virium relictum habeat, et quo firmiore sit corporis habitu, eo minus, ex intestinis his hostibus, periculi extimescendum habere.

Etiam si formidulosi utique morbi interdum invadant, tamen fere nunquam accidit, ut natura utilitatum provida, non quaedam hominibus remedia suffecerit, quibus vel tolli, vel saltem levari, possint. Quoties itaque morbus, de quo hic disputatur, urgeat, ad ea remedia, quae in hominum genus beneficentissima natura largita est, quamprimum confugere oportet. Hoc ut faciamus, sagax BAGLIVI apte et summopere hortatur his verbis. “Dum vel minima suspicio vermium est, noli tardare in exhibendis remediis; nam saepissime subito enecant non solum pueros, aut infantes, sed etiam adultos.”

## CONSILIA MEDENDI.

Quo hunc morbum curemus, oportet,

*1mo*, Vermes penitus necare, et corpore exterminare ;

*2do*, His necatis et expulsis, ne regenerentur praecavere.

## CONSILIUM PRIMUM.

Vermes ex canali intestinorum, quam potest primum, extirpare, leni vomitorio medicamento, si urserit nausea, prius adhibito, aggrediamur oportet. Ad hoc consilium, etiam si nulla medicamina, quibus semper efficiatur prorsusque, noverimus, at perutilia tamen plurima fuerunt reperta ; quorum nunc praecipua, ordine, optimus  
qui

qui nobis videatur, recensebimus. Horum facile princeps est

*Hydrargyrum.*—Omnibus contra vermes remediis, quae Materia Medica suppeditat, hoc, nostra opinione, palmam merito praeripuit. Miram utilitatem, ex provido ejus usu, a verminantibus percipiendam, exercitissimi quidem medici jamdiu compertam habuerunt, hodieque testantur. Nosmetipsi saepenumero adhiberi, et eventum fere semper ad spem prudentis medici respondere, vidimus. Usus ejus non solum quam facilissimus est, sed, praeterea, optime ei convenit aetati, quae potissimum vermibus infestatur; propterea quod raro nauseam vel aegrotationem excitat: Quae remediorum contra vermes caeterorum pleraque ideo comitantur, quia, ut major eorum modus in stomachum simul assumatur, opus est. Si itaque, ex quae prodeant indiciis, hydrocephalos internus an vermes urgeant, discernere non facile possumus; tum usus hujus medicaminis, ei aliorum omnium, nulla interposita vel dubitatione vel mora, anteponendus est.



Argentum vivum, in vermes vel vi *mechanica* agere, vel ut venenum, posse, credo, fatis fere constat. Quosdam enim his animantibus vacuefacere, motum intestinorum celeriores reddendo, novimus: In aliis autem, etiam si neque hunc motum omnino acceleraverit, neque, quantum conspici potuit, eliminaverit vermes; tamen, haud multo post hoc remedium adhibitum, signa remittere coeperunt, et paulatim decesserunt omnino.

Hoc medicamentum in alias, prout cuique medicorum libuerit, formas multimoda arte, ministris multigenis, redactum, adhiberi solet.

Hydrargyrum autem *muriatum mite*, quippe cum mitissimo sit ingenio, et tamen plurimum ad vermes necandos polleat, caeteris ex hoc medicamine praeparatis omnibus longe anteferendum est. Quantum hujus uno tempore adhibeatur, optime ex aetate verminosi cognosci potest. Dosis assumenda, vel forma pulveris cum pauxillo sacchari misti, vel boli, quod melius est, datur; et integretur, prout res postulent. Eodem tempore,

re, lene quoddam catharticum, Radicem veluti Ponticam, identidem eo administrare, ut os internum ne afficiatur, utque vacuentur intestina, perutile semper reperietur.

Hydrargyrum quoque *muriatum*, pilularum formam, et idonea quantitate adhibitum, fuit, ob facultatem qua polleat vermes necandi, in iis praesertim qui firmiore sint aetate, magnopere laudatum. Sed, ob nimiam quae ei inest acrimoniam, et vim suam nauseam movendi, minus, ut nobis videtur, ad communem usum accommodatur.

Praeter jam dicta, alia ex hydrargyro praeparata, in auxilium contra vermes vocata fuerunt et vocantur; inter quae, decoctum hydrargyri, hydrargyrum cum sulphure, hydrargyrum cum creta, aliaque complura, enumerari possent. Haec autem, quia fere inertia videntur, parum commodi verminosis afferent.

*Stannum*.—ALSTON et MEAD primi fuerunt, qui, hoc metallum, ob vim, quae ei inest, taeniam extirpandi, medicorum attentioni commendatum habuerunt.

Sed multi nunc sunt anni, cum etiam proprietas, quam possidet, teretum deletrix, multum laudata fuit. Omnibus aliis remediis, ut ALSTON visum est, hoc praestat, quod stomachi dolorem, quem interdum efficiant vermes, citissime lenit et tollit.

Hoc medicamen contra vermes tantummodo vi sua *mechanica* agere, nunc, inter omnes fere medicos, confentitur. LEWIS quidem existimat, potentiam, quae, ei inest, vermium deletricem, fere omnino ex arsenico, quod ejus pars est constituens, pendere. Sed, hac de re, praeclarus is auctor, in magno errore versatur. Certo enim scimus, stannum in corpus assumptum, per tubum intestinorum, natura sua prorsus haud mutata, perlabi: Parum ei arsenici inesse: Et, etiamsi plus hujus contineret, tamen nihilo minus, ut celeberrimus censet BLACK, vi sua *mechanica* acturum; cum aegerime liquecat acidis, quorum sine ope, arsenici, quod ei inest, vires, prorsus inertes, vermibus incolumibus, laterent.

Stannum



Stannum adhiberi commodissime, forma ecligmatis, potest, utilissime largis dosibus: Et, si interim purgantia subinde intercedunt remedia, eo ad spem adhibentis melius respondebit.

*Ramenta Ferri.*—Haec eodem consilio, quo stannum, adhiberi solent: Sed etiam si effectus, iis stanni similes, praestare quidem possint; at periculum tamen est, ne, ut ait V. SWIETEN, agant “Non tantum vi *mechanica*, sed et virtute metallica medicata.”

*Spigelia Marilandica.*—Quin haec planta multum contra vermes polleat, dubitari quidem non potest; cum praesertim medici alii, alias regiones colentes, his animantibus quam esse inimicissimam, testentur. Compertum habuerunt medici, hoc ei esse proprium, quod raro nauseam ciet, et tutissime iis in febribus, quarum vermes fuerint efficientes, praecipi potest. Ferunt autem quidam, vi corpus torpidum faciendi pollere; quod, ex vertigine, visus hebetudine, convulsionibus, ex ejus usu quae saepe nascuntur, nimis apparet. Pericula vero de hac planta, quae optato fere successu fecit HOME, talena

talem potestatem nullam indicarunt. Verum enimvero, cur hanc non exhibuerit virtutem, aetas, omnigenarum fere plantarum virium hebetatrix, causa, ut recte cenet is auctor, forsan existat. Hoc remedium alvum plerumque ducit, et, nisi cum hoc facit, GARDEN ait, nunquam vidisse usum ejus optatum effectum praestare. Idem comperit vomitorium medicamentum, ante hoc datum, cum finerent res adhibitum, ita ad spem respondere, ut nunquam negligendum esse censeat.

Adhibeatur haec planta vel pulveris forma, vel succi aqua bulliente elicti; sed is, quia plus possit, huic anteponendus est. Hoc modo data, etiamsi alvum plerumque eliciat, tamen interdum hic effectus usum ejus non sequitur; et, cum res ita accidat, ad mitiora cathartica confugere oportet. *Spigeliae* species, cui nomini est *anthelmiae*, adeo *Marilandicae*, modo agendi, similis videtur, ut de ea nil speciatim dicendum esse puto.

*Dolichos Pruriens*.—Incolae omnium fere INDIAE OCCIDENTALIS insularum hac planta, vermes necandi causa, haud parvo successu utuntur. Dicitur esse  
omnino

omnino innocuam ; quamvis primum assumpta nonnihil sensus moleſti excitet. BANCROFT, in ſua GUIANÆ hiſtoria, enarrat, in centenis infantum unum et amplius annum natorum, quibus adhiberi ipſe vidiffet, optatiſſimos præſtitiffie effectus, et inteſtinis inexputabilem fere vermium numerum faceſſiffe. Auſtore tam ſpectatae fidei teſtante, et rebus, quas animadverterunt alii, cognitis, hanc plantam plurimum contra vermes poſſe, pro certo habeamus.

Natura hanc plantam inſtruxit parvulis ſpicis, quae cuti admotae, pruritum fere intolerabilem et quidem inflammationem concitant ; quam ob rem, ne, in ventriculum aſſumptae, eoſdem ibi ederent effectus, multi, quidem non ſine rationis ſimilitudine, nonnihil eſſe periculi, exiſtimaverunt. Ex frequente ejus autem uſu et periclitatione, magnae eſſe effectricem utilitatis, ſed ne minimi quidem periculi, percepimus.

Plantae hujus, hiriſuta ea et tenuiſſima membrana, quae ſiliquam involvit, pars eſt, qua medici utuntur. Utiliſſime adhibetur linctus forma ; et permirum videtur,



tur, neque tincturam ex ea praeparatam, neque decoc-  
tum, ullam, quantum percipi potest, vermes delendi vir-  
tutem possidere. Datur fere vespere, et, eodem tem-  
pore, verminoso, medicamentum catharticum ut assumat  
postero mane, a medico praecipitur.

*Geoffraeae cortex.* — Egregius observavit auctor †, mala e vermibus intestina infestantibus nascentia, et sae-  
pius in insulis INDICIS VESPERTINIS et vehementius,  
quam nostris in regionibus, occurrere; eamque ob  
rem, naturam humani generis praesidem, has insulas  
incolentibus plurima, quibus extirpari possint vermes,  
remedia munifice largitam esse, quae nobis denegavit.  
Ex his Geoffraeae cortex fuit a multis magnopere lauda-  
ta. Doctor RUSH PHILADELPHIAE, nullum medicamen-  
aeque, ac corticem modo dictam, vermibus esse lethali-  
lem censet. Permagnam ejus copiam adhibuit forma  
syrupi; et, cum nunquam spem suam irritam fecerit,  
ideo, haud dubium vermibus perniciem semper afferre,  
existimat. Aliis autem, qui de ea periculum fecerunt,  
aliter visum est; neque quidem, quin, nisi cautissime  
hibeatur, vehementem et vomitionem et alvi profusionem  
cieat,

† Doct. Duncan, Medic. Theoret. Edin. Professor.

cieat, denegandum est. Medici LONDINIENSES observarunt, urinam magnopere movere. Talem autem effectum, apud incolas insularum INDIAE OCCIDENTALIS, nunquam, nisi nimia adhibita fuit quantitate, praestare, Doctor WRIGHT certiores nos facit.

Idem auctor, parvam initio quantitatem semper adhibere, suadet, et paulatim hanc augere, donec nauseam, quae is est effectus, quem, ex hoc medicamine exhibito, potissimum habemus expectandum, concitaverit. Eodem autem tempore, quo nauseam facit, alvum acriter ducit. Huic auctori cum Doctore DON. MONRO convenit, decoctum corticis modo dictae caeteris omnibus ex ea praeparatis anteferri debere.

Quin verminosi magnam ex hac cortice utilitatem saepe perceperint, denegari quidem non potest; sed laudem mereri, qua eam profecutus est RUSH, minime, omnes inter auctores, conceditur. Saepenumero enim, in nostris regionibus, omnino spem medicorum mentita est: Interdum magnorum est malorum efficiens: Et, etiam cum prospere cedit, ea est natura, ut molestam  
nauseam

nauseam faciat ; quod forsan sit causa, cur in frequentiore usum non venerit.

Sed etiam si, de hoc medicamento haec animadvertero, necessarium putaverim, at sibi tamen medicorum attentionem vindicat; cum praesertim HAMILTON obstetricii EDINBURGI Professor, quo medicum in hoc morbo exercitatiores haud facile invenies, se saepe id, forma syrupi, cum optato effectu adhibuisse, mihi impertiverit.

*Semen fantonicum.*—Res plurimae, quas terra gignit, amarae, facultate vermium deletrice, qua polent, multum inclaruerunt ; harum autem nulla plus, quam semen fantonicum.

Putant multi medici, hoc, in vermes revera si agat, non directe agere, sed indirecte ; cum praesertim, ut illis placet, nullam ei inesse propriam virtutem, qua statim necentur vermes, videatur. Certe quidem, aiunt illi, compertum habemus, res amaras in genere minime statim vermibus esse exitiales ; sed eatenus iis tan-



tum obesse, quatenus intestinis vigorem impertiant; eamque ob rem, ad vermes necandos vel fugandos minime accommodari.

Sed, quamvis in medicamentis amaris tanta non ponenda sit spes, ut alia, quoties opus sit, efficaciora adhibere negligamus; tamen est, cur semen fantonicum, praeter amaritudinem, potentiam quoque possidere directe vermium deletricem, credatur. “ In infuso saturato aqua facto, intra 5 horas, secundum BAGLIVIVM, (oper. p. 50.) intra 7 ad 3 horas autem, secundum REDIVM, lumbrici vivi necati; quum, contra ea, in amarioris longe absynthii decocto, per 30, et, in infuso agarici, per 36 horas vivere pergerent (REDIVS de animal. viv. p. 159.); ut igitur evidens sit, non solam amaritiem vermibus, in fantonica, infestam esse.” Vid. Appar. Medicam. clarif. MURRAY.

*Cathartica.*—Quicquid motum intestinorum incitat, id, aliqua ex parte, effecturum ut expellantur vermes, concedendum est. Eam ob rem, vermibus in-

festantibus, ad medicamenta cathartica, ea praesertim in quibus aliquantum ineffet acritudinis, est a medicis, haud quidem inepte, decursum. In his autem adhibendis, haud parva circumspeditione et considerantia opus est. Tenellis enim infantibus vermiculatis medicamina hujus generis tuto adhiberi non possunt: Sed talibus remediis verminosis, firmi cum sunt validique, incolumes, et majore utilitatis inde spe percipiendae utantur.

Ut medicamentorum acrium singula hic enumerem, nil, ut opinor, opus est. Quoties autem eorum usus requiratur, nullum aptius comperiemus et efficacius, quam jalapium cum calomelane conjunctum. Medicatae quoque aquae, in quibus ineft vis alvum liquandi, praesertim *Harrosgateanae*, si bibitae aliquandiu fuerint, vermes interdum vel necant vel fugant.

*Vomitum cientia.*—Interdum accidit, ut lumbrici in stomacho hospitentur; et, quoties ex indiciis, eos hoc organum corrodingi suspectos habeamus, medicamentum vomitorium est eo adhibendum, ut per os corpore ejiciantur.

ciantur. Quidnam autem adhiberetur, et quando, constituere, penes medicum omnino relinquendum est.

*Enemata.*——Horum mentionem, hac in dissertatione, facere fere supervacaneum duxissem, nisi quaedam voluissem de *nicotiana* dicere. Hanc plantam in omnes partes corporis penetrare permanereque, et quidem potestate, vermium fere omnigenorum deletrice, pollere, nemo ignorat. Unum posteris exemplum prodiderunt medici, ubi *nicotiana* †, etiamfi alio data consilio, vermes intestinis faceffivit. Quoties itaque alia medicamenta fuerunt incassum, ut aliquando accidit, tentata, hoc vel fumi vel decocti forma adhibere, nunquam a medicis negligendum est.

Medicamentis nunc memoratis, quae, propria multorum medicorum experientia, efficacissima ad verminosum morbum curandum esse ostendit, ignoscendus, spero, habebor, etsi innumeram fere copiam aliorum non recenseam; quorum singulis suus fuit auctor, sed quae  
spem

† Med. Obs. et Enq. vol. 2d.



spem medicorum tam saepe mentita fuerunt. Hic autem observandum est, Doctorem WRIGHT, quaedam jam cognitae medicaminae adjecisse, quae contra vermes efficacia esse dicuntur. Hujusmodi sunt *asclepias curassavica*, *epidendrum claviculatum*, diversae *annonarum* species, aliaeque complura, quae, ut hic memorem, non opus est. Med. Journ. vol. 8.

#### CONSILIUM SECUNDUM.

Cum satis constet, nil magis impedire, quo vermes minus procreentur, quam intestinorum firmitatem sustentare ; his ideo vires, infestantibus vermibus, et multo magis, expulsis, quamprimum et quibus potest modis restituere, conari medicos oportet.

Ad infirmitatem intestinorum adjuvandam, quaecunque corpus roborant, ea optime accommodantur. Ad hoc genus pertinent, cortex *Peruviana* ; ex chalybe praeparata ; amara ; balneum frigidum, in id si commodum

mode

mode descendi potest; et idonea exercitatio. Eodem tempore, quo verminosi, vel recens vermibus vacuefacti, his remediis utantur, ratio munditiae et idoneae dietae iis habenda est; neque est forsan aliquid, quod plus proderit, quam purus aër et ficcus.

Lenta intestinorum astrictio et relaxatio, cum vermium procreationem multum adjuvet, maximo opere vitanda sunt. Ad hunc finem, nil forsan melius, quam parvae Radicis *Penticae* doses, intervallis idoneis interjectis, adhibitae, aptatur.

---

F I N I S.



# E R R A T A.

P. 14. l. 6.	<i>pro Andree lege Andry</i>
44. 11.	<i>elicti lege elicit</i>
46. 15.	<i>lethalem lege lethale</i>
— 18.	<i>dubium lege dubiam</i>
— 21.	<i>hibeatur lege adhibeatur</i>
48. 3.	<i>animadvertero lege animadvertere</i>
49. 10.	<i>3 lege 8</i>
52. 8.	<i>constat lege constet</i>
53. 7.	<i>adjuvet lege adjuvent</i>





